



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ioannis Ioviani Pontani. De Aspiratione Libri duo. Charon
Dialogus. Antonivs Dialogus. Activs Dialogus. Aegidivs
Dialogus. Asinvs Dialogus. De Sermone Libri Sex. Belli,
Qvod Ferdinandvs Senior ...**

Pontano, Giovanni Giovano

Venetiis, 1519

De Humanitate.

urn:nbn:de:hbz:466:1-12960

ctiosus habiti, ut uideri possit aduersari eidem contrariū erga nobilitate studiū. Quod in Appio Claudio fuit, ut de Mario taceamus, ac Syl-la, contrarijsq; utriusq; studijs. Habet præterea Popularitas applica-tionē illā suā erga populum, popularesq; atq; illorū res tantummodo. At Comitas delectu adhibito eadem quoq; est aduersus exteros, atq; alieni generis homines, & natura, & habitu, et ratione ita dictante.

De Humanitate.

Nec desunt qui Humanitatem eam dici malint. Verum nec Humanitas aduersatur contentionis, ac rixarum studio, nec qui humanus est, contentioso, ac rixatori est aduersus, est tamen comis uir etiam perhu-manus. Esi non pauci humani quidem ipsi sunt, nequaquam tamen co-mes. Nemo tamen comis, quin idem ipse sit humanus. Agit comiter fa-miliaris meus Antonius Galateus, dum (quod ingeniu est eius, quiq; etiam habitus) quoscuq; habet obuiam, gratificari is studet, salutan-do perhumane, appellando benigne, congregiēdo hilariter, iocan-do urbane, arridendo familiariter, offerendo grate operam su-am & facilem, & minime importunam. Quo fit, ut quemadmo-dum maximam in congressu affert iucunditatem, ac delinimentū, sic post digressum, maximum quoq; relinquat sui desiderium, delini-tionemq; animi quandam cum requiete ac uoluptate. Quod suauis præstare sorbillationes cōsueuere, uti os ac buccam (quod hodie dicūt) suauem relinquunt, satietate omni prorsus repulsa & epularum & cœnæ. Exhibet se quacunq; in actione, ac uitæ genere humanum Io-annes Pardus, quod & philosophiæ studium, quod in eo summū est, exigit, & natura eius exposcit, nihil superbe agit, nihil arroganter. In incessu, in sermone, in consuetudine, æqualem se cunctis exhibet. ægre fert ubi in quempiam agi uiderit insolentius. fert grauate & amicorum, & ciuium aduersos casus, solatur mœrentes, laborantibus qua potest succurrit, adest, opitulatur, operam suam confert. astat ubiq; comes ei mansuetudo, ac facilitas, studium tamen loquendi in gratiā uix ullum, nulla obsequendi, quemadmodum nec contendendi pro-eliuitas. oratio eius suauis, & placida, quæ tamen nullum præ se fe-rat studium ineunde gratiæ, proprijsq; compendij. abstinet autem sic a gratiloquentiā, ut maledicentiam prorsus detestetur, ac contentio-nes. Quo circa a Comitatu nō uno modo differt Humanitas. Etenim q̄ aliorum moueatur damnis, incommodis, captiuitate, orbitate, inopia, exilio, malisq; alijs, humanum hunc dicimus, nequaquam in hoc ta-

men comem. Itaq; aliud est conuiri officium, aliud humani. Inest ta-
 men utriq; quaedam quasi communitas uiuendi quacunq; in actione, ac
 negotio. siue eam Facilitatem uocare uolumus, siue Tractabilitatē. Nō
 desunt tamen, qui, quam Comitatem ipsi uocari non iniuria fortasse di-
 cimus. Ciuilitatem eam appellari malint, quod uirtus ea sit maxime
 honesto cue di gna, ac tamen si aduersum peregrinos, exterosq; ius ex-
 tendat suum, tamen ducere potiore à re appellationem uolunt, Qua
 ratione qui eam assentiunt, ciuiles & u dicantur. Quorum opiniononi
 minime qdem aduersaremur, si ciuiles ipsi nō minus in actionibus, re-
 busq; uersarentur alijs, quae ciuiles & dicuntur, & habentur, quàm
 in uerbis, congressionibusq; atq; in gratiam cōserendo sermones suos.
 Igitur cum & qui, et quales Adulatores sint, atq; Assentatores, abun-
 de explicauerimus, qui item Contentiosi, ac Rixatores, medijsq; inter
 utrosq; habitus qui sit, et qualis, ostenderimus, ad ueraces trāscamus,
 & ad eam uerborum partem, quae aut ueritatis studiosa est unius,
 aut contra mendacij, de qua in sequenti libro differemus.

FINIS.